

<b>Teitl y swydd:</b>	Rheolwr Rhaglen MEW (dros gyfnod mamolaeth)
<b>Cyflog:</b>	~ £35k (yn dibynnu ar brofiad)
<b>Yn atebol i:</b>	Rheolwr Gyfarwyddwr
<b>Lleoliad:</b>	Canolfan Ynni'r Môr, Fforwm Arfordir Sir Benfro, 2il Lawr Pier House, Pier Road, Doc Penfro, Sir Benfro, SA72 6TR
<b>Yn gweithio gyda:</b>	Ynni Môr Cymru a Thimau PCF

### Cefndir

Wedi'i sefydlu yn 2000, mae Fforwm Arfordir Sir Benfro (PCF) yn Gwmni Buddiannau Cymunedol sydd wedi ennill sawl gwobr ac sy'n gweithio i wella amgylcheddau'r arfordir a'r môr ar gyfer cenedlaethau'r presennol a'r dyfodol. Fel partneriaeth arfordirol mae PCF wedi datblygu amrywiaeth o brosiectau cydweithredol, a ystyrir yn aml fel arfer gorau cynaliadwy, gan gynnwys Cod Morol Sir Benfro a Siarter Awyr Agored, Mapio Gweithgareddau Cymru, Ynni Môr Cymru (MEW) a META.

Bydd y rôl gyffrous hon yn canolbwyntio ar ein rhaglen Ynni Môr Cymru. Byddwch yn gyfrifol am arwain tîm MEW, datblygu a chyflawni'r meysydd blaenoriaeth a nodir gan y sector ac a gefnogir gan Lywodraeth Cymru, ac am brosiectau Ardal Profi Ynni'r Môr (META) a Selkie.

Mae META yn rhan o brosiect ehangach [Ardal Forol Doc Penfro](#), prosiect Dinas-ranbarth Bae Abertawe gwerth £76 miliwn sy'n darparu ardaloedd dyfrffordd sydd wedi'u cydsynio, yn agos at sylfaen weithredol ynghyd â thrywyddedau a seilwaith galluogi.

### Pwrpas y Swydd

Mae'r rôl strategol hon yn gyfrifol am sicrhau bod prosiectau ynni'r môr Fforwm Arfordir Sir Benfro yn cael eu cyflawni, ar amser, o fewn y gyllideb. Mae [Ynni Môr Cymru](#) (MEW) yn rhaglen PCF hirsefydlog, sy'n dod â datblygwyr technoleg, y gadwyn gyflenwi, y byd academiaidd a'r sector cyhoeddus ynghyd i sefydlu Cymru fel arweinydd byd-eang mewn cynhyrchu ynni'r môr cynaliadwy.

Gweledigaeth MEW yw creu diwydiant ynni adnewyddadwy ar y môr ffyniannus ac amrywiol sy'n dod i'r amlwg yng Nghymru, gan wneud cyfraniad sylweddol at economi carbon isel. Gwnawn hyn trwy gefnogi'r sector, cymryd rhan mewn prosiectau ac mewn rôl ymgynghorol. Mae cylch gwaith MEW yn cynnwys technolegau llif llanw, tonnau, amrediad llanw a gwynt ar y môr (FLOW) fel y bo'r angen a diddordebau prosiect.

Mae'r rhwydwaith MEW yn bodoli i ddod â rhanddeiliaid ynghyd a chefnogi'r sector trwy:

1. Ymgysylltu â'r Sector, Cyfeirio, Hwyluso a Chefnogi
2. Cefnogaeth Datblygu Sector
3. Cefnogaeth Prosiect Strategol
4. Addysg, Sgiliau, Hyfforddiant a Datblygu'r Gadwyn Gyflenwi
5. Cefnogaeth sector FLOW

O dan ymbarél ehangach Ynni Môr Cymru byddwch yn gyfrifol am y tîm sy'n cyflawni'r prosiect [SELKIE](#) yn ogystal â'r [Ardal Profi Ynni'r Môr](#) (META).

## Prif Gyfrifoldebau

Fel rhan o'r tîm PCF ac yn adrodd i'r Rheolwr Gyfarwyddwr, byddwch yn gyfrifol am reoli'r tîm a'r hyn y gellir ei gyflawni ym mhrosiectau/rhaglen Ynni'r Môr Cymru. Bydd y tasgau'n cynnwys y canlynol:

- Datblygu strategaeth a nodi cyfleoedd ar gyfer partneriaethau cydweithredol, gweithgareddau ymchwil a datblygu a thwf prosiectau ynni adnewyddadwy morol, gyda chefnogaeth y Rheolwr Gyfarwyddwr a'r Rheolwr Datblygu Busnes.
- Cydgysylltu'n agos â sefydliadau ac unigolion megis partneriaid prosiect strategol, cyllidwyr, rhanddeiliaid i sicrhau bod anghenion y sector yn cael eu diwallu (gan gynnwys y sector cyhoeddus, eNGOs, datblygwyr, cyllidwyr, cadwyn gyflenwi).
- Ymgysylltu â rhanddeiliaid â gwleidyddion, gweision sifil, y sector cyhoeddus a'r sector preifat, gan gynnwys darparu cyflwyniadau a chadeirio a threfnu cyfarfodydd.
- Cefnogi Rheolwyr Prosiect i gynllunio'r hyn y gellir ei gyflawni ar draws yr holl raglenni ynni adnewyddadwy i gyflawni prosiectau yn unol â gofynion ariannu ac o fewn y gyllideb.
- Gyda thîm META, parhau i ddiwallu anghenion gweithredol Canolfan Brofi Ynni'r Môr Genedlaethol Cymru a chynnal cyfrifoldeb am reoli a chyflawni amcanion META.
- Goruchwylio gweithdrefnau gweithredol, rheoli risg a rheoliadau HSE ar gyfer defnyddio profi META.
- Gweithredu fel Rheolwr Llinell ar dîm ynni adnewyddadwy morol yn PCF a bod yn rhan o uwch dîm rheoli PCF.
- Darparu gwybodaeth allweddol i gefnogi hawliadau grant i'r Rheolwr Cyllid PCF.
- Cefnogi gwaith prosiect PCF arall pan fo angen.

## Manyleb Y Person

### Hanfodol:

- O leiaf 3 blynedd o brofiad blaenorol mewn prosiectau ar y môr neu forol
- Wedi cymhwyso hyd at lefel gradd mewn ynni adnewyddadwy neu ddisgyblaeth gysylltiedig
- Dealltwriaeth strategol o'r sector ynni'r môr
- Cyflwyno'n gyfforddus i amrywiaeth eang o gynulleidfaoedd
- Profiad rheoli prosiect
- Profiad perthnasol o arwain tîm
- Profiad o ymgysylltu ag ystod o wahanol randdeiliaid, gan gynnwys y sectorau cyhoeddus, preifat ac academiaidd
- Profiad o reoli tendrau a chontractau
- Sgiliau datrys problemau a brwdfrydedd i ddod o hyd i atebion
- Rhagweithiol a hunan-gymhellol a'r gallu i weithio gydag ychydig iawn o oruchwyliaeth a than bwysau
- Good IT skills (including internet, word processing, spreadsheet and database packages such as Excel)
- Sgiliau TG da (gan gynnwys rhyngwyd, prosesu geiriau, pecynnau taenlenni a chronfa ddata fel Excel)
- Trwydded yrru gyfredol/cerbyd eich hun

### Dymunol:

- Diddordeb cryf mewn cynaliadwyedd ac ynni adnewyddadwy
- Dealltwriaeth o'r cyd-destun polisi Cymreig
- Profiad o brydlesu a thrwyddedu morol
- Cymhwyster mewn Rheoli Prosiectau
- Y gallu i siarad Cymraeg

Rydym yn credu mewn gweithle cynhwysol ac rydym yn croesawu ceisiadau o bob rhan o'r gymuned. Felly, os credwch fod gennych yr hyn sydd ei angen, ond nad ydych o reidrwydd yn bodloni pob pwynt ar y swydd-ddisgrifiad, gwnewch gais o hyd.

*Mae'r gallu i deithio i gyfarfodydd/digwyddiadau/ymweliadau safle ac ati yn nodwedd angenrheidiol a rheolaidd o'r swydd hon. Bydd angen cludiant eich hun. Bydd y swydd yn cynnwys gweithio gyda'r nos ac ar benwythnosau o bryd*

*i'w gilydd. Gall swydd-ddisgrifiadau a manylebau person newid o bryd i'w gilydd er mwyn parhau i fod yn unol ag anghenion busnes. Mae PCF yn defnyddio polisi gwaith amser hyblyg/toil.*

*Ariennir y rôl hon yn rhannol gan Gronfa Datblygu Rhanbarthol Ewrop (ERDF) drwy Swyddfa Cyllid Ewropeaidd Cymru (WEFO).*



*Diweddardwyd fis Chwefror 2022*